

LE TŠWETŠE NTLE

Go BONA ENG?

 Ge ke . . . re tswaletše tirelo feels bjale, ke tla re ke bile le nako ye botse, ke theeditše mabopaki a. Gomme—gomme ge ke sepeletše ka gare le go lebelela tabarenenekele ye nnyane, e lebega botse bjang, ga go na boitshwareletšo go batho, tikologong ya Utica fa, ba sa tle kerekeng. A ba gona? Ka kgonthe ba dirile gabotse fa, magagešo ba dirile, go dira le lekaone, la go iketla, lefelo le lebotse. Gomme lefelo moo e sego go ikgetha kudu gore o no ikwela boka o—o—o ikwela go se iketla, eupša feels ka kgonthe go ikwela go iketla, feels gabotse, go hlweka, go hlweka. Ke rata seo ka kerekeng.

² Ke naganne, serethe se sennyane sela seo Ngwanešu Graham . . . Bobedi bja bona bao a ba badilego ba be ba no—no betha lefelo. Le a tseba, ke . . . Ke se—se selo, gore bao ka mehla ba lekago go kitimišetša yo mongwe gape fase, ga—ga se ba ke ba swarwa. Gabotse, ke yo mongwe wa bona, Ngwanešu Graham, ke swerwe, makga a mmalwa, kafao ke no tseba se e se rago.

³ Eupša ke boditše nako ye nngwe, gore, godimo ka ba ga Ballard le Ballard, go bile le moisa o ile godimo go mo hweletša mošomo, gomme ba mo kgopetše go saena leina la gagwe mo pampiring. Gomme ge a ile go saena leina la gagwe, o be a se ne le ge e ka ba . . . le ge e ka ba raba bofelong bja phensele.

Gomme monna o mmoditše, o rile, “Ga o ne raba.”

O rile, “Gabotse, ga ke dire diphōšo e ka ba dife.”

⁴ Gomme Mna. Ballard o rile, “Gona nka se kgone go go šomiša. Ga o ye go dira selo.” Kafao seo e ka ba . . . Ke nagana seo se mabapi le nnete. Ge re sa dire diphōšo, ga re dire selo. Eupša se ke se ratago ka motho, ke gore, ge o dira phošo, lešole la kgonthe le loketše go tsoga le go leka gape. Go be go fela go eba pina ye nnyane re e opetšego.

Ge ke ewa goba ge nka šitwa, (*se sengwe goba se sengwe*)

A nke ke tsoge le go leka gape;

Ntshwarele, Morena,

Gomme nteke nako ye nngwe gape.

⁵ Ke rapetše yeo bontši kudu, go Modimo, go fihla ke lewa ke dihlong ka nnamong, go nyakile. “A nke ke tsoge le go leka gape.” Go wa kgafetšakgafetša, gomme nako ye nngwe le ye nngwe, gobaneng, O bile kgaogelo go nthuša go tla morago gape.

⁶ Bjale, ge re no e lebelela godimo, ga go na iri go kgabola letšatši, le gannyane, eupša se se sengwe re se dirago seo se fošagetšego. Gomme bjale ga go na bjo bonnyane goba bjo bogolo, ohle ke a magolo pele ga Modimo. Kafao ge Moapostola Paulo a swanetše go hwa tšatši ka tšatši, ke bontši gakaakang re tla swanelago go hwa tšatši ka tšatši! Le a bona?

⁷ Gomme ka gona, ke a nagana, motho yo a dirilego se sengwe sa phošo gomme a rata go se lokiša, mokgwatebelelo wa kgontha wa Bokriste ke go lebalela motho yoo. Gomme fao ke moo, ke a nagana, Ngwanešu Graham, gore batho ba kereke, lehono, ba e foša kudu; sebakeng sa go leka go tsošetša motho yo morago godimo gape, ke go no tšwelapele go ba kgoromeletša kgolekgole. Le a bona? Bjalo ka ge, le a bona, Kriste, ge re be re le tlasetlase, O theogile gomme o re kukile, gomme kafao seo se e dira moo gore re swanetše go ba le mohuta woo wa moya, le rena.

⁸ Ke no se kgone go bitša leina la gagwe; mohlomongwe ba bangwe ba lena baena le ka kgona. Ke be ke nagana ka lona ge e sa le ke etla godimo mo. Paulo o be a . . . O be a swere lekgoba la go tšhaba. Ga ke kgone go nagana leina la gagwe e be e le mang, feela bjale. Golebjalo, o be a kolota sekoloto se segolo. Gomme Paulo o be a ratana le Kriste kudu, go fihla a rometše lentšu go mong yo a bego a le mong wa lekgoba. O rile, “Bjale o bile ngwanešu wa go ratega. Gomme tšohle tše a di dirilego, le tšohle tše a go kolotago, le a bona, di bee godimo ga mokitlana wa ka. Gomme ke tla go lefa ge ke etla kgauswi.” Le a bona, Paulo o be a le Mokriste, botelele kudu, go fihla a—a tsebile se e bego e le sona go lebalela, se e bego e se ra go lebalela yo mongwe. O be a lebaletšwe, yenamong. Gomme ke nagana Mokriste yo mongwe le yo mongwe, yoo ka kgontha a swaretšwego, o tseba go leboga ga tebalelo.

⁹ Ke nno kwa bopaki Ngwanešu Graham a bo fa ka ga Ngwanešu Busty. Yoo ke Ngwanešu Rodgers, tatago Kgaetsedi Creech. O karilwe, matšatši a se makae a go feta, gomme ba hweditše kankere, gomme ba nno mo roka. Kafao a nke re tšwelepele go mo rapediša. Eupša ye nngwe ya dilo tše bosebose . . . Ngwanešu Creech o be a nteleditše, go ya le go mmona, gomme ke be ke sa tsebe o be a le ka sepetlele. Gomme ge ke ile ka kamoreng, o rile, “Ngwanešu Bill,” o rile, “Ka mehla ke go kwele o bolela gohle ka go bea diatla godimo ga yo mongwe.”

¹⁰ Ke rile, “Ee, Busty.” Ke mmiditše “Busty.” Ke leina la gagwe la dikwero. Ka kgontha leina la gagwe ke Everett. Ke rile, “Ee.”

¹¹ O rile, “Ke no tseba gobaneng ke etla ka fa.” O rile, “O bile le nna ge e sa le ke etla ka gare.” O rile, “Gomme Sengwe se beile diatla tša Sona go nna, lebakana la go feta.” Gomme godimo mo khoneng o bone molalatladi. Thwi nako yeo le a tseba gore Sengwe se sepelela godimo. Se kgauswi le iri. Eupša mogau wa Modimo go seo . . . Ga ke bolele se gobane ke tatago

Kgaetšedi Creech. Eupša ke monna yo mokaone. Ke nagana gore ke mo kolobeditše, mengwaga ya go feta, ka Leineng la Morena Jesu, eupša ga se nke a ke a ba bjola bja kgonthé bja go ikgafa, boitemogelo bja go tswalwa gape bjoo re ratago go bo bona, Ngwanešu Graham. Moo ke ge e direga, kua ka sepetlele. Ke monna yo a fetogilego. Mogau wa Modimo, Yo-Yo a mmeetšego ka Bophelo bjo Bosafelego, o file molalatladi. Gomme molalatladi ke kgwerano, go boloka kgwerano ya Gagwe le yena, gomme o komana go sepela. Ke thabetše seo kudu. Ke mahlwadibona wa Ntwa ya Pele ya Lefase.

¹² Gomme lebakana la go feta, goba mosong wo, a ke re, ke bileditše go mogwera wa kgale. Ga se ke... ke bile le nako ye thata go mo hwetša. Bontši bja lena le elewa Mdi Morris, toropongtlase. Ngwanešu Ruddell o sa tšo etela fale, lebakana la go feta. Gomme o bile go idibala lebaka la matšatši a mmalwa. Gomme o no bitša, nako yohle. Gomme ge ke fihla ka kua, o be a bitša leina la ka ge ke tsena ka gare. O rile, "Billy ke mošemanе wa go loka." O rile, "O bile le nako ye thata." O rile, "Ke—ke nyakile go mmona pele ke sepela." Ka gona o be a tla leta motsotsotso feela, a re, "A o kile wa mmona le bjale? Ke—ke nyaka go bona Billy." Mo metsotsong e se mekae, o boletše le monnamogatša wa gagwe yo a bego a sepetše, oo, masomenne, mengwaga ye masometlhano ya go feta, o boletše le yena. Gomme a thoma go bolela le baratwa ba gagwe. Le tseba se seo se se rago, gore go no ba kgauswi le Kgoro.

¹³ Gomme a seo ga se tlabe? Ebile le go foufala ka mo a kgonago go ba... O ka lefaseng la leswiswi. O bogolo bja mengwaga ye masomesenyane, thwi ka masomesenyane, e ka ba masomeseswai senyane, se sengwe. Gomme bjale, efela, mahlo a gagwe a kgauswi kudu le lehlakore le lengwe, go fihla a kgonà go bona di—di dilo ka lehlakoreng le lengwe, gomme a sa kgone go di bona ka lehlakoreng le. A le kile la nagana ka seo? Ke šeditše moratwa, ge ba etla tlase bofelong bja tsela? Ba šetšeng.

¹⁴ Ngwanešu Bosworth, modirišani wa kgale wa ka, ke kitimetše tlase Florida, go mmona, Meda le nna, e ka ba mengwaga ye mebedi ya go feta, ge a be a ehwa, e ka ba se-... masomeseswai le metšo, masomeseswai nne, ke a dumela. O be a sa tšwa go tla go tšwa Afrika le nna, ka kopanong. Fao go be go robetše yo wa bomodimo, monna wa mokgalabje khoneng ye nnyane. Ke sepeletše ka gare, ke... Wona a manyane, matsogo a kgale a obeleditše ntle bakeng sa ka, mahlwadibona wa kgale wa e ka ba mengwaga ye masomešupa ya go rera. Gomme ke mo gokarile ka matsogong a ka ka mokgwa *wola*. Ke goleeditše, "Tate wa ka, tate wa ka, dikoloi tša Israele, le banna ba dipere ba tšona."

¹⁵ Gomme ke dutše fase ka lehlakoreng la malao le yena, ka bea hlogo ya gagwe godimo ga legetla la ka. Ke... O be a no ba

a mphaphatha. O rile, "Morwa," o rile, "o se šitwe. Betha ona mašemo, ka pela, gobane ga re ne nako ye ntši."

Ke rile, "O a lemoga o a sepela?"

¹⁶ O rile, "Ee. Ke a ya, feela gabotse ka pela." O rile, "Ke nyaka go go botša se sengwe, Ngwanešu Branham, ye ke nako ya lethabothabo ya bophelo bjohle bja ka."

¹⁷ Gomme ke rile, "Gobaneng o ka bolela seo, Ngwanešu Bosworth, gomme o—o a hwa?"

¹⁸ "Gobaneng," o rile, "motsotso e ka ba ofe, ke lebeletše go Yena go tla ka mojako, go ntšea, Yena yoo ke mo ratilego mengwaga ye yohle." Ke... Re mo tlogetše, mosadimogatša le nna, gomme nako yeo ge re ile morago...

¹⁹ E ka ba iri goba tše pedi pele a ehwa... O be a robetše, gomme a phafoga, a lebelela ka kamoreng. O rile, "Papa!" A phagamela godimo ka maatla a gagwe le go šišinya diatla le tatagwe, le mmagwe. O rile, "Ngwanešu John šo. O sokologile ka kopanong ya ka, mengwaga ye masometlhano ya go feta. *Semangmang šo.*" O šikintše diatla le basokologi ba gagwe bao ba bego ba ile lebaka la mengwaga le mengwaga.

²⁰ Go direga eng gona, mogwera? Ke nagana gore ga re lemoge feela se sohle se lego mabapi le sona. Dinako tše dingwe ke a makala, ebile le ge re etla kopanong, go rapela, ge re se ne, mohuta wa kgopolو ya go fošagala, go nagana gore re tla feela go kopana mmogo. Seo ke se sebotse. Se na le morero wa sona. Goba, go hlalala le go ba le nako ye botse, yeo e nago le morero wa yona. Eupša re ka tokišetšong. Re lokišetša selo se sengwe.

²¹ Gomme ke boletše se makga a mmalwa. Go ka no ba gabotse go e dira gape. Ge ke thoma go tšofala, le go thoma go bona gore matšatši a ka a a kopanafala, ke thoma go nagana ka bophelo bjo ka tsela, Ngwanešu Graham, boka go bile—go bile sekatapowana ke bego ke na le sona. Ba bantši ba rena mo ba lorile, gomme ba tsena ka go toro ya tlhokofalo. O leka go lwa wenamong. Ba bantši ba lena ba dirile seo. Ke e dirile, makga a mantši. Go leka go iphafoša wenamong, ka mokgwa wo mongwe o a tseba gore o robetše.

²² Gomme ke ikwela gore e ka ba boka bophelo bo le. Feel a ka ba nako re naganago re otlolotšwe, gomme se sengwe le se sengwe se ya go ba gabotse, gona se sengwe se tla mmogo le go se tekola gape. Bjale, lena batho bohole, bao le lego godimo gagolo go e ka ba mengwaga ya ka, le tseba seo. Meleko le dintwa tše bophelo! Kafao dinako tše dingwe ke leka go iphafoša nnamong, "O Morena!" Gomme wo mongwe wa meso ye, goba wo mongwe wa mantšiboa a, goba nako ye nngwe, ke tla tsoga. Ke tla ba ka Bogoneng bja Gagwe. Nako yeo diteko tšohle le manyami di tla be di fedile. Ke a holofela seo ke therešo. Ke a holofela gore letšatši le lengwe nka phafoga go swana le Yena. Yeo ke

tlhogeloa ya pelo ya ka, ke go phafoga ka go swaneng le Yena, go Mmona.

²³ Gomme, bjalo ka ge Paulo a boletše, bjale go ne selo se tee seo ke nyakago go se dira kgonthe, ge nka kgona, ka monaganong wa ka wa maleba. Ke nyaka go dira nnete, gore, “Ke Mo tseba ka Maatleng a tsogo ya Gagwe,” ga go kgathale se gape se diregago. Ge nka hwa ka mohloki, gomme ba mpoloka ka tšhemong ya mmopi, goba lebitla la ka le tla ba ka tlase ga noka goba lewatle, e ka ba kae go ka bago, ke nyaka go tseba selo se tee. Ke nyaka go Mo tseba. Seo ke sohle se bolelago bjale, yeo ke nnete, go Mo tseba ka Maatla a tsogo ya Gagwe.

²⁴ Ka gore ke tseba se, go na le lebatle legolo le dutše ntle pele ga ka, gomme le bitšwa *lehu*, gomme le pele ga yo mongwe le yo mongwe wa rena. Gomme nako ye nngwe le ye nngwe pelo ya rena e rethetha, re morethetho o tee kgauswi le lemati lela. E ka se bethe morethetho wola gape. Re morethetho o tee kgauswana, gomme le lengwe la matšatši a re tla godimo go mojako wola. O bitšwa *lehu*, gomme yo mongwe le yo mongwe wa rena o ya go kopana le ona. Gomme ge ke fihla kua, ka nnete ga ke nyake go ya ka kua bjalo ka lefšega. Ke nyaka go ya ka kua ka diaparo tša Gagwe di phuthetše go ntikologa, le mogau wa Gagwe. Go tsebeng selo se tee se, gore, ge A bitša, ke tla tšwa fale, letšatši le lengwe. Seo ke se ke se phelelago, lehono, ke go dira seo, go Mo tseba le go Mo direla.

²⁵ Gomme badiredi ba baswana ba mo, Ngwanešu Graham, le go swana le Ngwanešu Ruddell le bona, ka kgonthe ke ba eletša go swarelela, go tšwelapele go gatelela pele. Ge ke sepeletše ka gare bošegong bjo le go dula morago kua le go kwa tšona dipina, go no opela . . . ge ba phaphatha seatla, go swana le *Etlang Le Je*. Gobaneng, ke kgonne go bona Kgaetšedi Snelling, feela gabotse, a eme fale, a phaphatha diatla tša gagwe, go swana le, a opela, “*Etlang* gomme le je. Mong o a bitša, ‘*Etlang* gomme le je.’” Feel a gabotse, le go bona bakgethwa bale bohole ba kgale bao ba ilego pele. Gabotse, ba no be ba letile go kgabaganya mollwane mošola. Gomme ke—ke—ke—ke nyaka go ba bona, le lengwe la matšatši a, mme wa kgale, Pugh. Ke kgona go bona Rakgadi Noan a eme ntle fale mo lebating, nako yela ge a be a le gampe kudu. Ke tlide ke sepelela godimo, Ngwanešu George le nna, o rile, “Gabotse, go na le tsogo e tee ya bahu,” o rile, “ke nna motho yoo.” Ke kgona go no mmona molaleng bjalo, Kgaetšedi Weber le bohole bale ba bangwe.

²⁶ E re, gale, ke a nagana Frankie o dira gabotse bjale. Ke mo leleditše, bokgole bjo botelele, bošego bjo bongwe, ke rapetše le yena gape. O rile—o rile, “Le ke lekga la mathomo ke ikwetše kgwatho ya Modimo mo mengwageng.” O rile, “Ke tla dira ketelo ya ka tabarenekeleng, ye nngwe ya dilo tša pele, ka pela ge ke fihla morago Indiana, ke tla morago tlase fa.” Kafao, tumišang Morena. Frankie ke mošemane wa go loka, mošemane

yo mokaone. O bile le merotoga le metheoga ya gagwe. Don ga a gona fa, a o gona? Ya. Ga se ke nagane, fa. Eupša o—o bile le merotoga le metheoga ya gagwe, eupša Modimo o tla mo tloša tiragalong, le lengwe la matšatši a, ge a sa tle pele. Kafao, a re mo rapedišeng.

Pele re bula Lentšu, a re inamišeng dihlogo tša rena go Mongwadi.

²⁷ O wo mogolo, Moya wo Mokgethwa wa Modimo, ge bophelo bo thoma, bophelo bjo bja go hwa bo thoma go pudufatša meriri, le go šošobanya dintšhi, re kgona go kwa mororomelo wola wa Bophelo bjo Bosafelego bokagare bja rena bja go hwa, gomme bo kokomoga ka megalong ya rena. Ge re tseba gore ge nkabe e be e se bakeng sa Gago, gore, ka pela ge bophelo bjo bo fedile, bjhohle bo tla fela. Eupša, bjalo ka ge Paulo wa kgale a boletše, “A go lebogwe Modimo Yo a re fago phenyo ka Morena wa rena Jesu Kriste.” Lehu ga se le kgone go mo tsetsemetsa, goba le lebitla ga se le kgone go mo swara. Gomme lerole la mmele wo mokgethwa wola le leta tsogo, bosegong bjo, eupša soulo ya gagwe e ka Bogoneng bja Kriste, yo a rilego, “Go be go le kaonana kudu go arogana, go feta go ba le lena.”

²⁸ Gomme Ebangedi ye kgolo yeo a e kwalakwaditšego ka sebete kudu mo matšatšing a gagwe, ebile go tloga ka morago ga ditshipi tša kgolego, o ngwadile ge mahlo a gagwe a be a mo tshwenya kudu gampe go fihla a ngwadile ka maletere a magolo. Gomme o be a lwele le dibata, gomme o bile le megogoma ye mentši godimo ga mmele wa gagwe. Ebangedi yela ya go swana ya letago, re ngangana le tšohle di lego ka go rena, go E boloka e eya pele go fihla letšatši leo.

²⁹ Re leboga tabarenakele ye nnyane ye, bakeng sa modiša wa yona, maloko a yona, poto yohle, le bakeng sa toropokgolo ye nnyane ye e emego ka go yona; ka gore therešo, Morena, mo ke mo ke rerilego theroy a ka ya mathomo. Gomme ke a rapela, O Morena, gore kereke ye nnyane ye le moyo wa go e aga e tla šala go fihla go Tleng ga Morena Jesu, le gore bohole ba e lego maloko mo, gomme ba tla mo, go ka se be le o tee wa bona a lahlegago. Ke rapelela go phafoga go gogolo ga semoya fa ka Utica. A nke Maatla a Jesu Kriste a swiele godimo ga toropokgolo ye nnyane ye le go biletša ba bantši go Kriste. Šegofatša bohole ba ba amegago ka go dilo tše, Morena.

³⁰ Re tla kgopela gore Moya wo Mokgethwa o bolele le rena, bosegong bjo. Ba fe kopano ye kgolo yela, Lamorena, ye ba e letetšego. A nke e be letago ka Bogona bja Gago.

³¹ Re lebalele dibe tša rena. Gomme ge ka mahlatse go ka ba yo motee magareng ga rena, yo a sa Go tsebego bosegong bjo, kholofelo ye ya mogau ga e rethetha ka tlase ga sehuba sa bona, gona a nke ba e hwetše bosegong bjo, Morena, didiba tše kgolo

tšela tša thabo di tabogela godimo ka go Bophelo bjo Bosafelego. Ekwa thapelo ya rena ya go kokobela.

³² Šegofatša palo ya Lentšu. Gomme a nke Moya o tšee Mantšu gomme o a bjale moo a tla dirago botse kudukudu. Ka gore re e kgopela Leineng la Morena Jesu. Amene.

³³ Le a tseba, ge ke etla Utica, ga go bonale o ka re go tla godimo mo go rera. Go no bonala eke go tla godimo fa go bolela le batho nakwana ye nnyane, gobane ke le tseba bohle, gomme feela kopanelo ye nnyane.

³⁴ Bjale a re baleng, bošegong bjo, go tšwa go Mateo tema ya 11, ditemana di se kae, go theoga e ka ba ya 15.

³⁵ Ke rata go bala Lentšu la Gagwe, gobane Lentšu la Gagwe ke therešo gomme Ke la Gosafelego. Bjale, lebaka ke ratago go bala Lentšu la Gagwe, gobane mantšu a ka a tla šitwa, ke nna motho, eupša Mantšu a Gagwe a ka se tsoge a palelwa. Gomme go lena batho ba bohlokwa ba le lego mo, bošegong bjo, ke a tseba ge e se go feta go bala Lentšu le, le tla hwetša se sengwe, le tla ya gae, ka gore le ke Dijo tše Ngwanešu Graham a bego a bolela ka tšona. Gomme a nke A Le phediše go rena, ge re bala.

Gomme go diregile, ge Jesu a feditše go laela barutiwa ba gagwe ba lesomepedi, o tlogile fao le go ruta le go rera ka ditoropongkgolo tša bona.

Bjale ge Johane a kwele ka kgolegong mediro ya Kriste, o rometše ba babedi ba barutiwa ba gagwe,

Gomme o rile go yena, A ke wena yo a swanetšego go tla, goba a re sa letela yo mongwe?

Jesu o fetotše gomme o rile go bona, Eyang gomme le bontšhe Johane gape dilo tše tše le di kwago le go di bona:

Difofu di amogela pono ya tšona, . . . dihlotsa di a sepela, balephera ba hlwekišitšwe, gomme difoa di a kwa, gomme bahu ba a tsošwa, gomme babotlana ba ne ebangedi e rerwa go bona.

Gomme wa lehlogenolo ke yena, mang le mang a ka se kgopšego ka nna.

Gomme ge ba tlogile, Jesu o thomile go bolela go mašabašaba mabapi le Johane, Le be le tšwetše ntle lešokeng go bona eng? Lehlaka le le šikinywago ke . . . phefo?

Eupša le be le tšwetše ntle go bona eng? Monna a apere diaparo tše boleta? bonang, bao ba aparago diaparo tše boleta ba ka dintlong tša dikgoši.

Eupša le be le tšwetše ntle go bona eng? Moprefeta? ya, Ke re go lena, le go feta moprefeta.

Ka gore yo ke yena, . . . yo go ngwadilwego ka yena, Bonang, Ke roma motseta wa ka pele ga sefahlego sa gago, yo a tla lokišago tsela ya gago pele ga gago.

Ruri Ke re go lena, Magareng ga bona bao ba tswetšwego ke mosadi ga se nke go tsoge yo mogologolo go feta Johane Mokolobetši: go le bjalo yo a lego yo monyennyanne ka mmušong wa legodimo ke yo mogologolo go mo feta.

Gomme go tloga letšatši leo, matšatšing a Johane Mokolobetši go fihla bjale mmušo wa legodimo o kgotlelela kgaruru, gomme boradikgaruru ba o tsea ka kgapeletšo.

Ka gore baprofeta bohole le . . . molao ba profetile go fihla ka Johane.

Gomme ge le ka e amogela, yo ke Eliase, yo a bego a le wa go tla.

Yo a nago le tsebe go kwa, a a kwe.

³⁶ Ge nka leka go tsea sehlogo se sennyane, bakeng sa polelo, bakeng sa kgwekgwe ya thuto ye, ke tla tsea se: *Le Tswetše Ntle Go Bona Eng?*

³⁷ Johane, mo letšatšing la gagwe, ka lefase, o be a tšewa go ba monna wa lebelete. O be a ponoka seripa, seripa sa mokgophha wa nku o tateditšwe go mo dikologa, gomme maledu a mahlafarara godimo ga sefahlego sa gagwe, gomme moriri wa gagwe ka kgonagalo o eme ntle go tšwa lehlakoreng. Gomme go . . . feela lefase, batho ntle ka lefaseng, o be a le monna wa lebelete. Re be re tla mmitša “segafa,” feela monoši wa kgale yo e phetšego ntle ka lešokeng.

³⁸ Go kereke, ka gore o rerile, o be a le lehlanya. Kereke e naganne, “Monna yola ka go felela ke, kudukudu, mokerenko wa bodumedi.” Ge nkabe a bile, lehono, a ka be a se a naganwa ka bonnyane lehono go feta a ka be a bile nako yela, gobane lefase ga le fetoge. Batho ba tla mmogo, gomme meloko ye meswa e a tsoga, eupša moya wo o bušago lefase, o no ba bjalo ka ge o bile nako yela. Gomme o tla ba, ge feela go na le lefase.

³⁹ Eupša bao ba tsebilego Johane, bao ba mo dumetšego, ba ile ntle go bona se sengwe e bego e le sa kgonthe.

⁴⁰ Fao e a arogany, lehono, bjalo ka ge go bile nako yela, ka go magoro a mararo a go fapano: lefase, kereke, le wa kgonthe, modumedi wa therešo. Yeo ke tsela ye lefase le emego lehono: lefase, mosedumele; kereke, moleloko yo bolelo; gomme ka gona wa kgonthe, modumedi wa therešo. Batho ba bangwe ba ya ntle ka dikerekeng go hwetša phošo ka kereke yeo. Gomme batho ba bangwe ba ya ntle go ba maemo a leago, goba se ba ka naganago legoro le lekaonana, goba mokgobokano. Ba bangwe ba ya ntle go hwetša khutšo, ba ya go hwetša Modimo ka go se sengwe

sa kgonthe. Yoo ke yena a holegago ka kopano. Ka mehla ke boletše gore Ebangedi e tšweletša mehuta ye meraro ya batho: mosedumele, moitiramodumedi, le modumedi. Gomme ka mehla go bile ka tsela yeo. Go no ya le gore o yela eng, mokgwatebelelo wo o nago nao.

⁴¹ Molaetša wo a o rerilego, gobaneng, lefase le be le ka se ye ntle go kwa Molaetša wa go swana le woo. Ba tla O ahlolala, lehono, feela bontši bjo ba bo dirilego nako yela. Selo sa go swana, ge Molaetša wola wa go swana o be o swanetše go rerwa.

⁴² Eupša O be o se wa swanela go ba o be o le wo mobe kudu Molaetša. Jesu o rile, “Go be go se motho a kilego a tswalwa, go fihla nako yeo, a bilego yo mogolo bjalo ka Johane Mokolobetši.” Jesu o dumelane le Molaetša wa gagwe. O rile, “A le ile go kwa phefo ye e šišinyago mahlaka, le no kobjago ke sengwe le se sengwe? E sego Johane.” O rile, “Gona a le ile go bona monna ka diaparong tše kaone?” O rile, “Ke re go lena, gore ba ba aparago diaparo tše kaone ke ba dipaleisi tša dikgoši. Eupša,” O rile, “le ile go bona eng nako yeo, moprofeta? Ke re go lena, Johane o be a le go feta moprofeta. Ka gore yo ke yena yo a profitilwego, goba a bolešwegopele, gore, ‘O tla lokiša tsela pele ga sefahlego sa Gago.’”

Monna yo mogolo, Johane, eupša lefase ga se le kgone go e bona ka tsela yeo.

⁴³ E be e le eng ka Johane seo se bego se goga šedi? Go ba bangwe ba bona ba ile go bona monna wa lebelete, a hwidinya diatla tša gagwe, a ponoka seripa, moriri gohle godimo ga mmelle wa gagwe. O be a le mohlomongwe motho wa go bogega bošoro, ka kgonagalo matsogo a gagwe, diatla, gobane o be a le sekai sa go phethagala sa Eliya, gomme Eliya o be a le monna wa moriri.

⁴⁴ Gomme ba ile go mmona. Ba bangwe ba bona ba ile go mmona, go no bona se a bogegilego boka sona. Ba bangwe ba ile go bona, go ganetšana le yena. Ba bangwe ba ile go bona, go hwetša ke botse bofe ba ka bo hwetšago go tšwa go yona. Ke ka tsela ye go tla bago lehono ge a etla. Ge nkabe a be a le fa lehono goba Molaetša wa gagwe o be o tla išwa pele feela boka o bile nako yela, e be e tla ba selo sa go swana. Bjale a re . . .

⁴⁵ Ge Molaetša wa gagwe o be o tla ba, nakong yela, gore O šišintše mafelo, a re boneng se a a se rerilego. Selo sa pele a se rerilego e bile tshokologo go bohle.

⁴⁶ Gomme tshokologo ka mehla e foufatša mahlo a mosedumele, goba leloko la kereke. Leloko la kereke le ikwela gore ga a na le selo go sokologa go sona. Gomme ge motho yola, goba batho, ba fihla lefelong leo mo o naganago gore ga o na le selo go sokologa go sona, o ka go seemo sa go hlubaetša kudu, le ge o le mo—mo—mo moleloko wa kereke, o ka go seemo sa go hlubaetša kudu go feta modiradibe mo mokgotheng.

⁴⁷ Ka gore, Lengwalo le boletše, godimo ka go Puku ya Dikutollo, go bolela ka kereke, le rile, “O be a hlobotše, a šokiša, a nyamiša, le go foufala, gomme a sa tsebe.”

⁴⁸ Bjale, ge monna a be a le mokgotheng, gomme a foufetše, seo se tla šiiša. Ge a be a šokiša, o be a tla šiiša. A hlobotše; go šiiša. Eupša, go se e tsebe, yeo ke karolo ya madimabe. Gomme go na le batho, lehono, ba ba tleleimago go ba Bakriste, bao e lego ba kereke, bao ba sa tsebego gore ba hloka tshokologo. Gomme go botša yo mongwe seo, se a ba hudua.

⁴⁹ Bjale, ge Johane a thoma go rera tshokologo go batho bale ba kereke, ba rile, “Lebelela fa. Re na le Abraham go tatagorena. Ga re hloke le o tee wa bareri ba ba lešoka a tšwago lešokeng. Dihlopha tše tša go se rutege, tše e sego tša dikerekeleina. Ga re hloke e ka ba efe ya go goeletša ga bona le go ya pele, gobane re ne Abraham go tatagorena.”

⁵⁰ Kafao Molaetša wola wa go swana o tla foufatša kereke lehono. Ge o botšišitše motho, ka pela, “A o Mokriste?”

O re, “Ee.”

⁵¹ Ka pela ba tla re, “O wa kerekeleina efe?” Bjale, seo se lokile, eupša ga se ne selo go dira le Bokriste.

⁵² Yo mongwe wa bona o tla re, “Gabotse, ke nna Momethodist, goba Mobaptist, goba Mopresbyterian,” goba kereke e ka ba efe yeo ba diregago go amana le yona. Ye e lokilego ka go phethagala, eupša yeo ga e arabe potšišo. O sa hloka tshokologo, gomme tshokologo e šišinya batho. Ba nagana ga ba e hloke.

⁵³ “Ke nna—ke nna letikone. Ke nna . . . Ke dira dilo tše di itšego ka—ka kerekeng.” Seo ga se boitshwarelelo e ka ba bofe. O sa hloka tshokologo.

⁵⁴ Gomme Johane gabonolo o be a tiišetša tshepišo ya Modimo le go rera kgahlanong le bodumedi bja bohlale. Gomme ge a le . . . wona Molaetša wo o swanago o ile pele, lehono, o tla tsoga feela bontši bja—bja khuduego magareng ga batho ba bodumedi bjalo ka ge o dirile nako yela. Gobane, phapano e nnoši ba e bolelago, “Go beng le Abraham bakeng sa tatagorena,” ba re, lehono, “Gabotse, ke nyaka o tsebe, ke nna moleloko wa phuthego ye bjalo-le-bjalo.”

⁵⁵ Gomme Johane o rile, “Eupša selepe se beilwe modung wa mohlare, gomme mohlare wo mongwe le wo mongwe wo o sa tlišego kenywa ye botse o matloletšwe fase le go lahlelwa ka mollong.” Gomme o rile, “O tla ka leselo ka seatleng sa Gagwe, gomme O tla hlwekiša mabato ka go tsenelela, le go tšuma mooko, le go kgobela korong ka sešegong.”

⁵⁶ Oo, ga go makatše Jesu o rile, “Go be go se motho a tswetšwego boka yena.” Gomme lebaka le Johane a dirilego se, o be a le motho wa go ikgetha. Modimo o hlamiša motho, O mo hlamišitše ka materiale wa Gagwe Mong. Ba be ba sa ye ntle ka

lešokeng go kwa thutofahlošo ya bohlale, se sengwe seo se tla bago boka polelo ya radipolitiki. Jesu o rile, “Le ile go kwa eng ge le ile ntle?” Ge batho ba ba kwelego Johane, ba kwele monna yo a tswetšwego, go tšwa popelong ya mmagwe, a tletše ka Moya wo Mokgethwa. Ga se ba kwa moitsimeletši ka Ebangedi. Ba be ba sa kwe dikerekemaina di ngangišana, “Ye e lokile, gomme *yela* e fošagetše.” Ba kwele Molaetša wa Ebangedi wo o ripilego go ya pelong.

⁵⁷ Johane o rerile kolobetšo ya Moya wo Mokgethwa. Ga se nke a rera se sengwe seo a bego a se naso. O rerile se a se amogetšego.

⁵⁸ Gomme banna ba Modimo bao ba rometšwego ka mašemong, lehono, ga ba ne tokelo go rera Ebangedi, ntle le kolobetšo ya Moya wo Mokgethwa. Ao ke maswanedi ta mathomo a modiredi, ke go tlatšwa ka Moya wo Mokgethwa.

⁵⁹ “Kafao le be le ile go bona eng? Monna a apere diaparo tše boleta?” O rile, “Bao ba aperego diaparo tše boleta ke ba ka dipaleising tša dikgoši.” Johane o be a le kgole kudu go tloga go Hollywood, go ba moreri wa go apešwa mohuta wa leago.

“Le be le ile go kwa eng? Monna ka thuto ye kaone?”

⁶⁰ Johane o ile ka lešokeng ka mengwaga ye senyane bogolo, histori e a bolela. Thuto ya gagwe e tšwa go Modimo. Gobaneng, a ba ile go bona molaodi wa lesolo la gagwe, monna wa go ela yo a bego a ka kgona go beakanya masolo le go dira dikerekete tšohle go dirišana? Gobaneng, ka nnete aowa. O kgadile Bafarisei le Basadutsei. O biditše mokgatlo wa badiredi “sehlopha sa dinoga.” O rile, “Oo, lena marabe, ke mang a le seboditšego go tšhabela bogale bjo bo tlago? Le se ke la thoma go bolela bokagare bja lena beng, ‘Ke rena ba *ye*, goba ke rena ba *yela*,’ gobane Modimo o kgona ka matlapa a go tsošetša Abraham bana.” Se re se hlokago lehono ke Johane Mokolobetši wa go fetiša a rerago, a tloditšwe ka Moya wo Mokgethwa. Gomme ga se a tšeela morago, ge ba bone ge a be a rera ka manyalo le ditlhalo. O rerile thwi go otlologa, ka Ebangedi ya go otlologa, gobane ga se a E gomiša. Gobaneng? O be a tloditšwe. O be a sa kgone go thuša go ba se a bego a le sona.

⁶¹ O ka se kgone go thuša go ba se o lego sona. Le ge o le modiradibe, ga o rwale boikarabelo ka go ba modiradibe. O na le boikarabelo go dula o le modiradibe. Fao go tsela ye e lokišeditšwego wena. Eupša go ba modiradibe, o tswetšwe ka tsela yeo. Modimo ga a go romele heleng bakeng sa go ba modiradibe. Modimo o go romela heleng gobane ga o sokologe le go tšeа Kriste bjalo ka Mophološi wa gago. O gana go tšeа tsela ya maleba. O ithomela tlaišegong wenamong. O romela soulo ya gago mong go bofihlo bja yona bja Gosafelego, godimo ga tokelo ya tokologo ya kgetho ya diphenyego tša gago mong. Modimo ga a romele e ka ba mang heleng. Ga se nke A dira gomme A ka se tsoge a dira. Batho ba ithomela heleng bonabeng gobane ba gana

go—go amogela tsela ya phološo. Modimo ga se... O pelofetše. Ga A nyake e ka ba ofe go senyega; ga se nke a e nyaka.

⁶² Eupša batho bokaone ba sepele ka leswiswing go feta go sepela ka Seetšeng. Lebaka la yona ke, ba na le... Ba tswetšwe ka leemong leo, gomme ga ba na le tumo ya go tšea Seetša. Gomme batseta ba a tla, go tšwa bohlabela le bodikela, le leboa le borwa, le go lahlela mapheko. Tirelo ya pina, mabopaki, go rera, go kgabaganya tsela ya modiradibe, gomme ka boomo o sepela thwi go a kgabola gomme morago a bolela gore Modimo o ne boikarabelo goba molato. Modimo o lokile le go tlala ka kgaogelo. Gomme O be a ka se nyake yo motee a lahlegilego. Eupša motho o nyaka go lahlega gobane ke kganyogo ya gagwe. O gana go sepela ka Seetšeng, seo ke se se mo dirago gore a lahlege. Go lokile.

⁶³ Bjale, Johane, o be a le kgahlanong le theroye ya bohlale. O be a se ne thuto, kafao kagona o be a ka se kgone go ba le tirišano.

⁶⁴ Ke a nagana, ebile le ka toropongkgolo ya bogolo bjo, ge Ngwanešu Graham a ka leka go re, “Bjale re tla ba le tsošeletšo fa, gomme re tla ya gohlegohle toropongkgolo...” Ke bone ge a bile le tsošeletšo ya gagwe, yela, go magahlanatsela, leswao le lennyane, le rile, “Tsošeletšo ka Utica.” Ga se ya bolela kereke efe. E nno re, “Go na le tsošeletšo e kgatlampanganago. Etla. Yo mongwe le yo mongwe o amogetšwe.” Ke a eleletša, ge a ile go tloga go moreri go ya go moreri, go dikologa godimo ga naga fa, o be a tla ba le nako ye thata go hwetša tirišano ya go tlala. O be a ka se e dire.

⁶⁵ Ge nka tla ka fa go swara lesolo le yena, Ngwanešu Beeler le Ngwanešu Ruddell, le bohle ba rena mmogo, re tlide mmogo go swara lesolo ka Jeffersonville goba New Albany, goba felotsoko, re tla swanel—a re tla swanel go goga lešaba ka theroye ya rena beng, le ka Moya wo Mokgethwa. Dikereke di be di tla re, “Gabotse, ga re ne selo go dira le seo. Ba tšwa seminaring efe? Thekgo ya bona e kae?”

⁶⁶ Ditshwanelego tša rena, bjalo ka ge Johane a be a tla re, “Ga e tšwe go lena Bafarisei. Modimo o mpileditše go rera Ebangedi. Tšeо ke ditshwanelego tša ka.” Banna bohle ba go rongwa ke Modimo ba ema mafelong a go swana. Kereke ga e go romele. Modimo o romela monna morongwa ke Modimo. Gomme Johane e be e le wa mohuta woo.

⁶⁷ Jesu o rile, “Le be le tšwetše ntle go bona eng? A le be le eya go bona mo—mo Mofarisei, goba Mosadutsei? Momethodist, goba Mobaptist, goba Mopresbyterian? Le be le ile go bona eng? A o be a apere gabotse? A o be—a o be a ela polelong ya gagwe?”

⁶⁸ O dirile eng eupša go ema kua le go ahlola se sengwe le se sengwe se bego se fošagetše! Ebile le mokgoma o tšwetše ntle go mmona, e lego mmušiši wa naga; o otletše ntle kua, a dula

le mosadimogatša wa ngwanabo. Johane o sepeletše godimo go yena gomme o rile, "Ga go molaong go wena go ba le yena." Ee!

⁶⁹ "Le be le ile go bona eng? A le be le eya go bona moreri wa kerekela? A le be le eya go bona seboledi sa bohlale?"

⁷⁰ Gobaneng, lehono, seo se tla ba kgole go tloga go se lefase le tla se nyakago lehono. Gobaneng, ba nyaka se sengwe seo e lego sa go ela polelong; tše kgolo, ditente tša go tuma le difolaga, goba Ngaka tsoko ye kgolo ya Bokgethwa; dikereke tšohle di dirišanago, banna ba bohlale ba eya pele, dipolelo tša bohlale.

⁷¹ Eupša ge o bona monna wa Modimo, ka mehla o ntle ka mokgobeng felotsoko, a eme mokgotheng, goba moagong tsoko wo monnyane, a rera Ebangedi ya go se otšwafatšwe ya Jesu Kriste. Yoo ke monna yo Modimo a mo romilego, ngwanešu, go bea selepe modung wa mohlare, go rera Ebangedi go sa kgathale se batho ba naganago ka yona. Ema o nnoši!

⁷² "Le be le tšwetše go bona eng, monna ka thuto ye kgolo?" Ka kgonthe aowa, o be a se ne selo. O ile ka lešokeng, mengwaga ye senyane. O tlie ntle, mengwaga ye masometharo.

⁷³ Go rera tshokologo! Go sola Bafarisei! Gobaneng a e dirile? O be a sa kgone go thuša go ba se a bego a le sona. Moya wa Eliya o be o le godimo ga gagwe. O be a sa kgone go thuša gobane o apere diaparo boka a dirile. Thago ya gagwe e be e le seo. O be a sa kgone go thuša go rera ka basadi ba hlephišitše, ka gore Moya wa Eliya o be o le godimo ga gagwe. O be a le se a bego a le sona. O boditše Herodia, o mmoditše, serokaphatla. O boditše batho se a se nagannego. Gobaneng, o be a sa kgone go e thuša. Yeo e be e le tlotšo ya gagwe. O be a le Eliya.

⁷⁴ Gona ge monna goba mosadi... Tlotšo ya gago e bolela go wena. E ka ba eng moywa gago o lego, o a go sepediša. O tutuetšwa ke moywa. Gomme ge Moya wa Jesu Kriste o le go Mokriste, modumedi, ga go makatše ke motho wa moswananoši. Ga go makatše, go na le Sengwe se sepela ka go yena. Pitšo ya Modimo e ka go yena. Moya wa Kriste o a mo tutuetša, gomme o swanetše go sepela ge Moya o mo sepediša.

⁷⁵ A o ka eleletša o bona Johane a sepela tlase fale, a re, "Oo, seo se lokile. Se se lokile." Ge feela Moya wa Eliya o be o le godimo ga gagwe, o dirile bjalo ka Eliya.

⁷⁶ Ge o tsea batho ba ba yago bjale, o thoma go tloga gomme o re, "Oo, ke ya go ba Mokriste," gomme ba thoma go tloga gabotse. Selo sa pele, e ka ba dikgwedi tše tshela, ba thoma go ya morago. Thoma ka tsela *ye*, ka tsela *yela*. O ka kgona go bolela thwi nako yeo gore tlotšo e a ba tlogela. Ka gore ge feela Moya wa Kriste o le ka go wena, O tla go dira boka Kriste.

⁷⁷ Bjale batho ba bantši ba na le kgopolo ya go fošagala ka Kriste. Batho ba bangwe ba nagana gore Kriste e be e le nkatschadi. Kriste o be a le yo mogologolo go batho bohle. O be a

le motho wa mohlala. E sego feela gore O be a le motho, eupša O be a le Modimo-Motho. O be a le “Modimo le rena; Imanuele.” O be a le motho wa go kokobela kudukudu. Eupša, o ka kgona go kokobela kudu, o ka kgona go kokobela kudu go fihla diabolo a ka kgona go go dira sešomišwa. O be a kokobetše go lekanelo go hlapiša maoto a barutiwa. O be a lebalela go lekanelo go rapelela bao ba bego ba kokotela dipikiri ka diatleng tša Gagwe. Eupša O be a le Motho go lekanelo go loga dithapo le go raka barekanya ditšhelete go tšwa ntlong.

⁷⁸ Ee, Johane o be a le motho go lekanelo go ba yo bonolo le go kokobela. O be a le motho go lekanelo go ema mašing a Jorodane. O be a sa hloke sinagoge ye kgolo goba lefelo go rera. O be a kokobetše. O tšere mafaufau a bolou a go taga. O be a kokobetše go lekanelo gore ga se a bitša batho go ba le tšhelete ye ntši kudu, go diša kereke ya bona.

⁷⁹ O be a phela ka ditšie le todi ya lešoka, ditšie. Ka nageng yela, ba di bea ka dikotikoting. Ke tše kgolo tše ton, dinatšha tše telele; ba di šimega ka mohloholo, ba a di beša, ka tsela ye nngwe le ye nngwe gape, go di ja. Seo ke se a phetšego ka sona. Gomme seaparo sa gagwe e be e le seripa sa mokgophā wa nku o tateditšwe go mo dikologa.

⁸⁰ Jesu o rile, “Le be le ile go bona eng? Le be le ile go bona eng? Motho yo a bego a tla ineela le Baifarisei; lehlaka le le šikinywago ke phefo ye nngwe le ye nngwe? A eya ka gare le Basadutsei ge ba etla ka gare? Letšatši le lengwe ke se, gomme letšatši le lengwe ke yena sela”? O rile, “Ga se le ye go bona selo boka seo.” O rile, “A le ile go bona yo mongwe a apere bokaone? Aowa. Mohlale? Aowa. Le ile go bona eng?”

⁸¹ O rile, “Eyang le bontšhe Johane se se diregago fa. Dihlotša di a sepela. Difofu di a bona. Difo di a kwa. Bahu ba a tsošwa, gomme bahloki ba rerelwa Ebangedi. Wa lehlogenolo ke yo a sa kgopšego ka Nna.” Oo, nna! Leo e be e le leswao la Mesia. Leo e be e le leswao go mo laetša.

⁸² Leo ke leswao leo kereke ya therešo ya bokgethwa lehono, bontši kafao ba wago, go le bjalo ke leswao la pitšo ya Jesu Kriste. Banna le basadi ba ba emelago Ebangedi ya go se otswafatšwe, ya phološo go soulo, go bahumanegi, go bahloki. E sego sehlopha sa bogosi se se aperego bjalo ka dikerekeng tša bona moo monna wa mohumanegi a ikwelago go se amogelege, eupša sehlopha sa batho ba go kokobela. Fao ke mo Ebangedi e rerwago. Balwetsi ba a fola. Ba rapelela balwetsi. Modimo o tiišetša bodiredi bja bona ka maswao le matete. Ebangedi šeo e rerwa go bahumanegi.

“Eyang le laetše Johane dilo tše.” Oo, nna!

⁸³ Ka fao Modimo a tšerego monna yola a se ne thuto; o tšere monna yola ntle le sutu e tee ya diaparo go apara; o tšere monna yola a se ne kobo go bea godimo ga magetla a gagwe; monna yo

a bego a se ne lefelo go latša hlogo ya gagwe; monna yo a bego a se na le dijo tše kaone go dula fase hleng; gomme o gatsedišitše ditšhaba ka yena.

⁸⁴ Haleluya! Kgaogelo! Ge ke nagana ka seo, e mphafošetša go se sengwe. A re swanetše go dira? Ke rile go mosadi, letšatši le lengwe, “Hani, ke mengwaga ye masometlhano bogolo. Nka se kgone go ba mo botelele kudu.”

⁸⁵ Ka gona ke sepeletše ntle. Ke eme fale ka dikgweng. Ke ile ntle go tsoma. Ke eme fale ka dikgweng gannyane nthathana. Ke naganne ka seo, “Bogolo bja mengwaga ye masometlhano. Bothata ke eng?”

⁸⁶ Ka gona Sengwe se boletše, go re go nna, “Modimo a ka kgona go go katiša lebaka la mengwaga ye masometlhano, go dira mošomo wa metsotso ye masometlhano.” E ka ba katišo efe e bilego, Modimo o tseba se A se dirago. O katišitše Moshe mengwaga ye masomeseswai, go hwetša mengwaga ye masomenne ya tirelo go tšwa go yena. Modimo o katiša batho ba Gagwe. Modimo o katiša Kereke ya Gagwe. Ge feela re rata go dumelela Modimo go ba le tsela ya Gagwe, le go—go dira selo selo se lokilego. Ge re no rata go ineela renabeng go Yena, seo ke selo go se dira.

⁸⁷ Modimo o tšea dilo tše bonolo. Dinako tše dingwe o ka no nagana gore le ka bonnyaneng fa. Bonnyane, Modimo ka mehla o ka bonnyaneng. Eupša, ngwanešu, ge A loketše go sepela, O šišinya bontši ka bonnyane. Yena ke Modimo. O tšea dilo tše bonolo. O hweditše kae dilo go dira lefase ka tšona? O boletše gomme o rile, “A go be le,” gomme fao gwa ba.

⁸⁸ O tšere moreri ntle le thuto, a godišeditšwe ka lešokeng godimo ga ditšie le todi, a se ne diaparo le gannyane go mo dikologa, eupša seripa sa mokgophwa nku, gomme o šikintše dikgao. Gomme leina la gagwe ga le hwe lehono. “Le be le tšwetše ntle go bona eng?”

Modimo o tšea dilo tše bonolo.

⁸⁹ O tšere monna, nako ye nngwe, yo a bego a sa tsebe le boABC ba gagwe. O tšere monna ge sekete sa Bafilisita se kitimela godimo ga gagwe. Gomme o ile a swara lerapo la mohlagare la mmoula, gomme a tšeа lerapo la mohlagare le bonolo go tšwa molomong wa mmoula, gomme a bolaya banna ba sekete ba go hlabarwa. Oo, yoo ke Modimo wa rena, yo a otlelago maphotho a godimo. Lerapo la mohlagare la mmoula, gomme a bolaya banna ba sekete.

⁹⁰ Modimo yola wa go swana, nako ye nngwe, ge moikgogomoši yo mogolo wa Mofilisita a eme ka lehlakoreng le lengwe la noka le go emelana le madira a Israele, Modimo o tšere yo monnyane wa kgale a gogetšwego godimo, mošemane wa go lebega go ota ka seragamabje se bonolo ka seatleng sa gagwe. O

Modimo! Seragamabje; lenti ka fe- . . . kgokilwe go se—se seripa sa mokgophha. Seragamabje se sennyane sa kgale, selo se bonolo boka seo, gomme se bolaile tšitsiripa le go hwiphinya sešole sela.

⁹¹ Modimo o tšea dilo tše bonolo. Ga go tšee dilo tše kgolo. Go tšea dilo tše bonolo di šomišwa gabotse. Ga se gohlegohle dilo tše bonolo, eupša se swanetše go šomišwa gabotse. Monna yo mongwe le yo mongwe a phetšego ka lešokeng o be a se Johane. Monna yo mongwe le yo mongwe o rwele seragamabje o be a se Dafida. Monna yo mongwe le yo mongwe a topilego lerapo la mohlagare la mmoula e be e se Simisone. Eupša ge le šomišwa ka diatleng tše di tloditšwego tša mohlanka wa Modimo!

⁹² Moshe o eme kgahlanong le madira a Israele . . . goba madira a Egepeta, ka lepara la go oma ka seatleng sa gagwe. Amene. Moshe, letšatši le lengwe lefšega, le Gerisome le Tsipora, ka morago ga leganata. Ge gatee a tloditšwe, go tšwa sethokgweng se se tukago, ka lepara la go oma ka seatleng sa gagwe, mosadimogatša a dutšego godimo ga mmoula, gomme segotlane lethekeng la gagwe; bogolo bja mengwaga ye masomeseswai, gomme maledu a tšutla, o ile tlase ka Egepeta gomme a thopa. Bonolo, mokgalabje yo motee, mengwaga ye masomeseswai bogolo, ka lepara la go oma la modiši ka seatleng sa gagwe, o eme kgahlanong le madira ka moka a lefase, gomme a fenza, a tšwela ntile.

⁹³ Go ya le gore o dira eng. Bjale le na le boikokobetšo mo. Le na le Ebangedi mo ka Utica. Le ka no ba, bjalo ka ge ke boletše, ka bonnyaneng. Eupša le tla go kwa eng fa? A le tla go no re, “Ke ya kerekeng”? A le tla go no kwa ngwanešu wa rena wa mogau? Seo sohle ke se sebotse. Eupša a re direng se sengwe go feta seo. A re tleng go tšea Kriste. A re tleng, go tloga fa bošegong bjo le Yena. A re yeng ntle go nyatša se sengwe le se sengwe seo se fošagetšego, re ripe. Lerapo la mohlagare, e ka ba eng e lego ka seatleng sa gago, elwa ka sona. Modimo o šomišitše dilo tše bonolo, ka diatla tše di tloditšwego. Le na le mediro ye bonolo; ye bonolo, toropokgolo ye nnyane; ba bonolo, batho ba bannyane; ye bonolo, kereke ye nnyane. Ebangedi ye bonolo, eupša E tloditšwe. Modimo kafao . . .

⁹⁴ Jehofa yo mogolo yo maatla Yo a dumisitšego ka mošola, Yo a dirilego dinaledi le ditshepedišo tša letšatši, Yo a dirilego lefase go tšwa go dilo tše di sa bonagalego, o le boletše gore le be gona, eupša, ge A etla go etela motho, ga se A namela go theoga dikoloi tša gauta. Eupša O kgethile go tla go se—se setala se sennyane sa patogeng ya thaba, gomme tswalo ya Gagwe e be e le ka legopong la dikgomo. Dilo tše bonolo, eupša go tšwa legopong lela go tlide Imanuele. Le tšwtše go bona eng? Ke eng se se rathago lefase lehono? Ke eng dikarata tše kgolokgolo tša go bitša ka Amerika? Karata ye kgolokgolo ya go bitša ya lefase ke eng? Ke eng selo se segologolo go mabaka ohle le nako yohle? A Bophelo le Moya wa

lesea le le tswetšwego ka legopong, ka setaleng ka lehlakoreng la thaba.

⁹⁵ Dilo tše bonolo! Dilo tše bonolo! E beilwe ka seatleng sa lena, kereke. Bjale tšeang Tlotšo gomme le E šomiše gabotse. A ka kgona go ba . . . bana bohole . . . Bana ba bantši ba tswetšwe ka ditaleng. Bana ba bantši ba ka no ba ba tswetšwe ka ditaleng. Eupša ke tsela, wena, se o se dirago ka Yona.

⁹⁶ Batho ba bantši ba kwele Ebangedi e rerwa. Graham o ne banešu bao ba kwelego Ebangedi e rerwa. Ke na le banešu ba ba kwelego Ebangedi e rerwa. O na le banešu, gomme ba bangwe ba na le banešu. Eupša ke se o se dirago ka Yona. E dire. Yeo ke ya gago . . .

⁹⁷ Re dula tikologong le go nganga dikerekemaina tša rena, ke kereke efe re swanetšego go ba ba yona, sosaete efe. Seo ga se se Modimo a romelago batho go se kwa. Modimo o romela batho ba Gagwe ba ba kgethilihwego, batho ba Gagwe ba ba kgethilihwego, go kwa Ebangedi. “Bahumanegi ba reretšwe Ebangedi.”

⁹⁸ Fa nako ye nngwe ya go feta, ka nageng ya Kentucky, godimo ka dithabeng, kanegelo e a ya, ya yo monnyane, mme yo bohlokwa, le bana ba e ka bago ba lesome, ba robetše ba ehwa ka bolwetši bjola bja go tšoša bja bolwetši bja mafahla. Oo, o alafile le go dira se sengwe le se sengwe a tsebilego go se dira, eupša twatši e be e mmolaya. E be e mo tšea. Ka pela o be a swanetše go hwa. Go tšwa go bana ba lesome bale, ka nnete, o be a ba rata, eupša go be go se le o tee wa bona eupša o tee a bego a tla šoma. Ga go le o tee wa bona a bego a tla mo thuša. O be a robetše, a ehwa. O tšere malao a gagwe. O be a ka se kgone go tsoga gape. Mosetsana yo motee yo monnyane yo, o dirile ka moka go hlatswa, ge bomogolle ba gagwe ba be ba gata tala e bola, godimo go baagišani, go bapala. Gomme o be a ba apeela ka moka ga bona. Ba be ba tla ba gae nakong ya dijo, ka gona ge go etla nako go hlatswa dibjana, ba be ba tla—ba be ba tla tloga. O be a swanetše go e dira yohle. Ga go yo mongwe gape a bego a tlogetšwe go e dira. Mafelelong, lehu la tla godimo mojakong, letšatši le lengwe, gomme la tšea mmagwe.

⁹⁹ Ka gona yohle e lahletšwe godimo ga gagwe, go ba mme nako yeo go bana ba bohole. Selo se sennyane sa go šokiša se šomile, gomme o šomile, gomme o šomile go fihla diatla tša gagwe tše dinnyane di le matswabadi. Gomme o dirile tšohle a bego a kgona, go ba mme, go tšea lefelo la mmagwe. Mafelelong, o šomile thata kudu, le go hloka dijo, le yena, go fihla bolwetši bjo bo šiišago bo hwetša mmele wa gagwe wo monnyane wa go robagana. Mafelelong, o tšere malao a gagwe gomme o be a ehwa.

¹⁰⁰ Go diregile go ba, go kgabaganya naga, morutiši wa sekolo sa Lamorena o otletše godimo ka koloing, gomme o ile ka gare

go mmona, gomme a mmitše ka leina. Gomme o... O rile, “O kwešiša gore bolwetši bja gago bo hlokofetše?”

Gomme o rile, “Ke kwešiša gore ke a hwa.”

¹⁰¹ A re, “Ke sa tšwa go rerišana le matwetwe wa gago, gomme a re o be o ehwa.”

Gomme o rile, “Ee. Yeo ke nnete.”

¹⁰² Gobaneng, o rile, “A o loketše se,” morutiši yo mobotse o rile, “a o loketše go kopana le se?”

Gomme o rile, “Oo, ee. Ke loketše go kopana le Morena Jesu.”

¹⁰³ “Oo,” o rile, “seo se kaone kudu. Gabotse, bjale, ke wena wa kerekeleina efe?”

¹⁰⁴ O rile, “Ga se nna wa e ka ba efe.” O rile, “Ke šomile thata kudu fa, ga go yo a bego a thuša. Gomme,” o rile, “ga—ga ke wa kerekeleina e ka ba efe.”

¹⁰⁵ O rile, “Ngwana!” Morutiši yo mokaone o rile, “O swanetše go ba wa kerekeleina.” O rile, “O ya go bontšha eng? O wa kerekeleina efe, ge o etla pele ga Gagwe?” O rile, “Ke sehlopha sefe—sefe o yago go amana le sona? Ke kerekeleina efe o ka kgonago go Mmotša gore o wa yona? O ka kgona go Mo laetša eng?”

¹⁰⁶ Mohumagadi yo monnyane a dutšego fale, o gogile tša gagwe tše nnyane, diatla tša gagwe tša matswabadi ntle go tšwa ka tlase ga malao. O rile, “Ke tla no Mo laetša diatla tša ka. O tla kwešiša.” Ke a nagana yeo ke nnete.

¹⁰⁷ Ge re ka no Mo laetša, le se re se dirilego ka se A se beilego ka diatleng tša rena. A re e direng ka tšohle tše di lego ka go rena. “Le tšwetše go bona eng?” O ya go bona eng ka go wena ge o kopana le Yena ka letšatši leo? Ge o se na le selo go Mo laetša, ge se sengwe le se sengwe se le gona go Mo laetša, nagana ka yona, ge re rapela.

A re inamišeng dihlogo tša rena.

¹⁰⁸ A go ka ba yo motee a ka rego, “Nthapediše, Ngwanešu Branham, ge ke phagamišetša seatla sa ka godimo. Bjale ke—ke ikwela gore bjale ke nyaka go tše diatla tše tša ka le go di gafela go Kriste, gore A tle a ntšhomise”? Phagamišetša seatla sa gago godimo gomme o re, “Nthapediše.” Ge o phagamiša seatla sa gago, e re, “Ke tla gafela sa ka. Ke a nyaka.”

¹⁰⁹ Mohlomongwe ba bangwe ba lena Bakriste le rata go re, “Ke—ke a lemoga gore ga—ga—ga se ka dira feela dilo tše ke swanetše go di dira. Ke a lemoga ke be ke tšwafa kudu. Efela, ke rata Morena Jesu. Gomme ke—ke nyaka o nthapediš, Ngwanešu Branham. Ke tla phagamišetša diatla tša ka godimo.” Modimo a go šegofatše. Seo se lokile.

¹¹⁰ “Ke tla rata go ba le bontši bja Gagwe. Ke—ke a Mo rata, gomme ke—ke nyaka go kopana le Yena Letšatši leo. Gomme ge

ke bula Puku, ga ke nyake A re, ‘Gabotse, o beile leina la gago godimo ga Puku, eupša ga se wa dira selo.’ Ke nyaka go thopa disoulo. Ke nyaka go ya ntle le go dira se sengwe.” Ke nyaka go rapela. Modimo a go šegofatše. Yeo ke . . . Morena a go šegofatše, mohlomphegi.

¹¹¹ Yeo ke nnete, diatla tše ntši, diatla tše ntši. Bjale, lena ba le phagamišitšego diatla tša lena, a go ka ba yo mongwe feela pele re rapela? Modimo a go šegofatše, mohumagadi yo moswa. Modimo a go šegofatše, mohlomphegi. Gomme wena godimo fa, ngwanešu wa ka.

¹¹² Bjale ge ke sa rapela, gomme le rapele, le lena. O re, “Morena Jesu, O—O boletše le nna fa, thwi moo ke lego. Bjale, go tloga bošegong bjo go ya pele, ke ya go Go hlankela. Ke ya ntle, gosasa, go dira pontšho. Ke ya ntle, e sego go dira pontšho ya nnamong, eupša ke nyaka yo mongwe le yo mongwe go tseba Jesu. Gomme ke ya go Mo direla se sengwe. Gomme ke ya go itliša nnamong go Wena gonabjale. Gomme O ntshwarele ka fao ke bilego go dikadika.”

¹¹³ Mohlomongwe ga se wena moreri, mohlomongwe ga se wena morutiši wa sekolo sa Lamorena, eupša dira se sengwe. Nako ye nngwe e no paka ka thoko ga mokgotha, bolela le yo mongwe. Eya ntle gomme o opele dipina ge o šoma magareng ga badiradibe. Bolela le bona ka Morena. Seo ke se o se dirago. Seo ke sohle Modimo a se nyakago. Dira e ka ba eng e lego ka seatleng sa gago go dira. E dire.

¹¹⁴ Bjale, Tate Modimo yo bohlokwa, ka boikokobetšo le bose re tliša karolo ye nnyane ye ya tirelo go tswalela, go tliša dipeu tše di bjetšwego ntle go kgabaganya lefelo, ka palo ya Lentšu, gore O botšišitše potšišo yela ya go lekanela gohle letšatši le lengwe, “Le ile ntle go bona eng?”

¹¹⁵ Gobaneng batho ba eya kerekeng? Go no—go tšoena kerekeng ye e itšego goba go ba ka direnkeng tša leago tša bodumedi? Le ile go bona eng? A le ile go tsena ka kerekeng ya sosaete, theroy a bohlale? Goba a le ile go hwetša khutšo? A le ile go hwetša Mophološi? Le ile ntle go bona eng?

¹¹⁶ Gomme, Tate Modimo, bošegong bjo, ka Lentšu la Gago, go bile bonnyane batho ba lesometlhano fa, goba bontši, bao ba phagamišitšego diatla tša bona. Ka go tla bošegong bjo, ba nyaka go gafela maphelo a bona. Mohlomongwe badumedi ba Bakriste, eupša ba nyaka maphelo a bona go bontšha. Mohlomongwe ba ikwetše, gobane ba be ba se ba biletšwa go bodiredi, go rera Lentšu goba go ruta sekolo sa Lamorena, gore ga se ba be le karolo. Eupša, Morena, ga go kgathale go bonolo bjang, go tloga lerapong go ya go lepara la go oma, e ka ba eng e lego ka diatleng tša rena, a re e laetšeng. E ka ba eng e letšego pele ga rena, a re e direng.

¹¹⁷ Modimo, ke a rapela gore O tla hlwekiša maphelo a bona, wa a tlotša ka Moya wo Mokgethwa. Gomme matsapa a bona, go e ka ba eng e ka bago, go opela, go paka, goba go dira se sengwe, a nke e be go tlhompho ya Gago le letago. E fe, Morena.

¹¹⁸ Šegofatša Ngwanešu Graham wa rena yo bohlokwa le go botega, yo a emego kgauswi le teske ye lebaka la mengwaga ye mentši ye metelele. Gomme kereke ye nnyane, kgaetšedi kereke go tabarenekele, ge ke etla ka gare, bosegong bjo, le go bona go ne difapano tše tharo godimo ga phu—phu phuluphithi, gomme ke bona dipanka tša kereke, le, nnete, Morena, ke leloko. Ke ye nnyane, kereke kgaetšedi godimo fa ka toropongkgolo, go phadimiša Seetša. Modimo, a nke a gole ka go kereke ye maatla. E fe, Morena. A nke Seetša sa Ebangedi se phadime go tloga mo, ntle go kgabola ditoropokgolo tše dingwe. A nke fao go tšwe mo bareri ba ba tloditšwego, ba ba tloga go tšwa go ba, phuthego ye, banna ba baswa ba dutšego mo, bao ba tla tšeelago Ebangedi ka go dikarolo tše dingwe tša lefase.

¹¹⁹ Tiiša gomme o šegofatše matikone a yona, le bahlokomelaphahlo ba yona, le maloko ohle a yona. Hwetša letago go Wenamong, Morena. Gomme bošego bjo bongwe goba mosegare, goba e ka ba neng go ka bago, ge pitšo yela ya mafelelo e dirwa gomme re laelwa go Yogodimo, a nke re tle, re tliše mefaphahlogo ye bohlokwa go robala maotong a Gago, re neela go Wena seo re Go thopetšego sona. Gomme a nke materiale, wo O o beilego ka dipelong tša rena bosegong bjo, a nke re šome ka wona, le ka moka ba ba lego ka maatleng a rena; go šegofatša batho ba, le go ba fa dimpho, dimpho tša Moya, gore ba ke ba Go šomele. Nna bjale, bjalo ka mohlanka wa Gago, ka thomo ye e filwego ke Jesu Kriste, ke ba gafela ka diatleng tša Modimo, bakeng sa tirelo, Leineng la Jesu. Amene.

¹²⁰ Go ne pina ya kgale, ga ke tsebe ge eba kgaetšedi wa rena yo monnyane a ka kgona go e bapala, goba aowa, *Sekgoba Mothopong*. O a e bapala? Gabotse. Ke ba bakae ba e tsebago?

Sekgoba, sekgoba, ee, go ne sekgoba,
Go ne sekgoba sa ka Mothopong.

¹²¹ Ke elelwa ge re be re tlwaetše go e opela, le go ya fase aletareng, matolong a rena, le go e opela, tlase ka tabarenekeleng, mengwaga ya go feta. Gomme le a tseba, mohuta wo... Lena bohole le sa ne bodumedi bjola bja bolokologi fa, boka re be re fela re eba tlase ka tabarenekeleng, moo o ka kgonago go fele o phaphatha diatla tša gago, o tumiša Morena, o eba le nako ye botse.

¹²² Ba a mpotša, Ngwanešu Ruddell, mo, o na le mohuta woo wa tabarenekele ntle godimo ga tselalephefo. Ke tla ngwegela ntle le go mo kwa bjo bongwe bja mašego a. O bile le nako ye mpe go mo dira a kgoromeletša ntle, eupša mafelelong o a di tšhumma ntle kua bjale. Modimo a go šegofatše, Ngwanešu Ruddell.

¹²³ Go lokile, re fe tšhune. [Mmapalapiano o re, “E thome.”—Mor.] Oo, Ngwanešu Graham, mohlomongwe bokaonana o ba thomele bjale. Ke nyaka go e opela.

Sekgoba, ee, go ne sekgoba,
Go ne sekgoba sa gago Mothopong;
Sekgoba, sekgo, ee, go ne sekgo,
Go ne sekgo sa gago Mothopong.

¹²⁴ Le rata yeo? Bjale lebelelang, lena bohole Mamethodist, le Mabaptist, le Mapentecostal, le e ka ba eng le lego. A re, ge re sa opela yeo gape, a re nong go sišinya diatla le yo mongwe, pele ga lena, lehlakore la lena, mahlakore a mabedi, le morago ga lena, ge re sa e opela. Bjale etlang pele. Go sekgo sa rena bohole bjale.

Sekgoba, sekgo, ee, go ne sekgo,
Go ne sekgo sa gago Mothopong;
Sekgoba, sekgo, ee, go ne sekgo,
Go ne sekgo sa gago Mothopong.

Oo, sekgo, sekgo, go ne sekgo se sentši,
Go ne sekgo sa gago Mothopong;
Oo, sekgo, sekgo, ee, go ne sekgo,
Go ne sekgo sa gago Mothopong.

¹²⁵ A ga le rate yeo? Le a tseba, Jakobo o epile sediba. Gomme Bafilisita ba kitima... kgole go tloga, kafao o se biditše “bohlwele.” Gomme o epile sediba se sengwe, gomme Bafilisita ba mo raka go tloga go sona, kafao ba se biditše “phapano.” O epile sediba se sengwe, sediba sa boraro, gomme o rile, “Go sekgo sa rena bohole.”

¹²⁶ Gomme kafao Modimo o epile sediba ka kerekeng ya Lutheran, gomme ba raka bohole ka moka ga bona kgole go tloga go sona, Malutheran. Morago O epile sediba mo kerekeng ya Methodist, ka tlase ga tlhwekišo. Malutheran e be e le tokafatšo. Morago, tlhwekišo, O epile sediba, gomme bjale ba tšabele kgole go tloga go sona.

¹²⁷ Bjale O epile sediba se sengwe. Ga se ne maina. Aowa, ga go kerekeliina. E no ba wo mobotse, wa go hlweka Moya wo Mokgethwa, gomme go sekgo sa rena bohole. Ka gore o nametše kamela ya thota e tee, dikamela tša thota tše pedi, dikamela tša thota tše tharo, e ka ba eng e ka bago, go ne sekgo sa rena bohole.

Sekgoba, sekgo, ee, go ne sekgo,
Go ne sekgo sa gago Mothopong;
Oo, sekgo, sekgo, ee, go ne sekgo,
Go ne sekgo sa gago Mothopong.

¹²⁸ A ga le rate dipina tšela tša kgale? Oo, ke no di rata. Ke—ke a nagana, ka morago ga go rera, nako ye nngwe go šore le makgwakgwa. Morago ge re feditše ka yeo, le a tseba, e a go kgobola, morago o ikwela boka, feela o hlwekištwe gohle, dibe

tša gago tšohle di ile, o ipoletše; o ikwela o lokologile. Oo, gona ke ikwela go no opela. A ga le? Yeo ke thapelo. Paulo o rile, ge a opetše, o opetše ka Moya. Ge a rapetše, o rapetše ka Moya.

¹²⁹ Ga ke tsebe ge eba kgaetšedi o kgona go bapala ye, goba aowa. Nka no se kgone go e opela. Eupša ke rata pina ye. Ge o sa dire, go lokile, kgaetšedi.

Jesu, mpoloke kgauswi sefapanong,
Fao go Mothopo wo bohlokwa,
Mahala go bohole, moela wa phodišo,
O ela go tšwa Mothopong wa Khalibari.

Sefapanong, sefapanong,
Eba letago la ka go ya go ile;
Go fihla soulo ya ka ya go hlatlošwa e tla
hwetša
Khutšo mošola wa noka.

¹³⁰ A ga o rate yeo, hani? O a tseba, ke nno dira seo go kwa digalontšu tše botse tša Utica di opela, o a tseba. Ke be ke fela ke eba le okene ya kgale godimo fa, gomme le be le tla ba le dikopano. Lena batho ba Utica le elelwa seo? Le ya godimo le go opela dintlong tša lena seng le dilo. Oo, ke tla rata go ya go yo mongwe wa bona gape, go e opela. Oo, nna!

¹³¹ E no naganang, Mophološi yo bohlokwa wa rena, re swanetše go kopana le Yena. Ga ke tsebe neng; mohlomongwe pele ga moso. E dira phapano efe? E dira phapano efe? Mpotseng. Go ya go e dira, golebjalo, kafao a re nong—re nong go homotšega. Ebang le tumelo. Mo rateng.

Jesu, mpoloke kgauswi sefapanong,
Fao Mothopo wo bohlokwa,
Mahala go bohole, phodišo... (O no go šidila, o
a tseba.)
O ela go tšwa Mothopong wa Khalibari.

Sefapanong, sefapanong,
Eba letago la ka go ya go ile;
Go fihla... soulo ye e hlatlogilego e tla hwetša
Khutšo mošola wa noka.

Tlase sefapanong mo Mophološi wa ka a
hwilego,
Tlase mo ke llelago tlhwekišo go tšwa sebeng;
Fale Madi a tloditšwe pelong ya ka;
Letago go Leina la Gagwe!

Oo, letago go Leina la Gagwe, Leina le
bohlokwa lela!
Letago go Leina la Gagwe!
Fale Madi a tloditšwe pelong ya ka;
Letago go Leina la Gagwe!

A re phagamišeng diatla tša rena bjale, ge re opela temana ye.

Ke phološitšwe go sebe go go makatšago kudu,
Jesu ka bose o dula ka gare,
Fale mo sefapanong moo A ntšeetšego ka gare;
Letago go Leina la Gagwe!

Ke re, letago go Leina la Gagwe, Leina le bohlokwa!
Oo, letago go Leina la Gagwe!
Fale Madi a tloditšwe pelong ya ka;
Letago go Leina la Gagwe!

¹³² Ke ba bakae ba nyakago go ya Legodimong? Nnete, re a dira. Ee, mohlomphegi. Ke nyaka go ya. Ke mo tseleng ya ka. Ke no rata go tseba gore ke na le banna le dikgaetšedi tša ka ba yago mmogo. Ee, mohlomphegi.

Etla go Mothopo wo woo o ntlhwekišago,
Lahlela soulo ya gago ya go šokiša maotong a Mopholoshi;
Oo, phonkgela ka gare lehono gomme o thakgafatswe;
Letago go Leina la Gagwe!

Letago go Leina la Gagwe!
Letago go Leina la Gagwe le bohlokwa!
Fale Madi a tloditšwe pelong ya ka;
Letago go . . .

Seo ke se sebotse kudu!

Ke phološitšwe go sebe go go makatšago kudu,
Jesu ka bose o dula ka gare,
Fale mo sefapanong moo A ntšeetšego ka gare;
Letago go Leina la Gagwe!

Oo, le letago go Leina la Gagwe le bohlokwa!
Letago go Leina la Gagwe!
Fale Madi a tloditšwe pelong ya ka;
Letago go Leina la Gagwe!

Etla go Mothopo wo wa go huma le bose;
Lahlela soulo ya gago ya go šokiša . . . maotong a Mopholoshi.

A o ka rata go tla godimo le go khunama fase lebakana?

. . . -hono, gomme o thakgafatšwe;
Letago go Leina la Gagwe!

Opelang, letago go Leina la Gagwe, Leina le bohlokwa!
 Oo, letago go Leina la Gagwe, Leina le bohlokwa!
 Fale Madi a tloditšwe pelong ya ka;
 Letago go Leina la Gagwe!
 Go o pela, letago go . . .

¹³³ A ba bangwe ba lena ba ka rata go tla godimo le go khunama go dikologa aletara bjale? Etlang godimo le mošemane yo monnyane. Etlang.

Letago go Leina la Gagwe le bohlokwa!
 Oo, fale go ya ka . . .

¹³⁴ Ngwanešu Beeler. Ngwanešu Beeler. Ngwanešu Beeler. Etlang fa, lena baena. Ngwanešu Ruddell.

. . . Leina la Gagwe!
 Go opela, letago go la Gagwe . . .

¹³⁵ A go ka ba yo mongwe gape a ratago go tla godimo le go khunama fase? Etlang godimo, ge le nyaka go gafela maphelo a lena go Modimo, ge Moya wo Mokgethwa o le mo.

Fale Madi a tloditšwe pelong ya ka;
 Letago go Leina la Gagwe!

Etla go Mothopo wo wa go huma le bose;
 Lahlela soulo ya gago ya go šokiša maotong a Mophološi;
 Oo, phonkgela lehono, gomme o thakgafatšwe;
 Letago go Leina la Gagwe!

O opela, letago go Leina la Gagwe, Leina le bohlokwa lela!
 Oo, letago go Leina la Gagwe!
 Fale Madi a tloditšwe pelong ya ka;
 Letago go Leina la Gagwe!

O opela, letago go Leina la Gagwe, Leina le bohlokwa!
 Letago go Leina la Gagwe!
 Oo, fale madi a tloditšwe pelong ya ka;
 Letago go Leina la Gagwe!

A o ka se tle Mothopong wo wa go huma le bose;
 Lahlela soulo ya gago ya go šokiša go . . .

¹³⁶ A o ka se tle godimo, bosegong bjo? Khunama fase gomme o rapele. E ka ba mang a nyakago go tla, etlang pele.

. . . ka gare lehono, le go dirwa go felela;
 Oo, letago go Leina la Gagwe!

A opela, letago go Leina la Gagwe, Leina le bohlokwa!

Letago go Leina la Gagwe le bohlokwa!

Oo, fale madi a tloditšwe pelong ya ka;

Letago go Leina la Gagwe!

¹³⁷ Oo, a nako ya go makatša! Oo, re be re tlwaetše bjang go opela pina yela ya kgale!

E tla ba nako ya go makatša go wena,

Nako ya go makatša ya ka.

Ge re ka lokišetša go kopana le Jesu Kgoši ya
rena,

E tla ba nako ya go makatša bjang.

¹³⁸ A ga le rate gola go rapela ka Moya? Ee, mohlomphegi. E no go fepa, ka soulo ya gago. Haleluya! Haleluya!

¹³⁹ Ke thabile kudu go bona Billy a ikwela ka tsela yeo. Šegofatša pelo ya gagwe! A re opeleng pina ye bjale.

Go na le Mothopo o tladitšwe ka Madi,

A ntšhitšwe go tšwa ditshikeng tša Imanuele,
Moo badiradibe ba phonkgetšego ka tlase ga

lefula,

Ba lahlegelwa ke dipatso tša bona tša molato
tšohle.

Bohle ba rena mmogo bjale. Re thuše, Ngwanešu Graham.

Go na le Mothopo o tladitšwe ka Madi,

A ntšhitšwe go tšwa tšhikeng ya Imanuele,

Gomme badiradibe ba phonkgetše ka tlase ga
lefula leo,

Ba lahlegelwa ke patso yohle ya molato wa
bona.

Ba lahlegelwa ke patso yohle ya molato wa
bona,

Ba lahlegelwa ke patso yohle ya molato wa
bona.

Ka gona badiradibe ba phonkgela ka tlase ga
lefula leo...

¹⁴⁰ Le a tseba, ga se nke ka nagana ka pina yela ntle le ge ke nagana ka kanegelo ye ke e boditšwego nako ye nngwe. E be e le ntle godimo ga mafeloboloto ka Arizona. Fao go be go le Tim Coy. O be a le mohlahli go Maindia, le mohuta wa mošemané wa moromiwa. Gomme o be a retologetše go dikologa leganateng, gomme o be a sa kgone go hwetša tsela ya gagwe go tšwa. Gomme o be a nametše pere ya gagwe, a feletšwe ke meetse. O be a timetše lebakla la matšatši a mabedi goba a mararo ka fale, fale feela dikholofelo tšohle gore a ka tsoge a tšwile di ile. O rile o be a paka ka kopanong, gomme o boletše gore go bonagetše leswiswi go šiiša go yena. Gomme o kitimetše godimo ga mohlala wa tshepe,

ntle ka leganateng, gomme o rile pere ye a bego a e nametše, o rile, e be e no ba kgauswi le go feleta. O be a . . . Ke a dumela o rile leina la gagwe e be e le Bess. Gomme o rile o—o—o mo kwetše bohloko, o be a sepela. Ba bile le go tšutla ga lešabašaba, gomme dinko tšohle di be di kgamathetše ka lešabašaba.

¹⁴¹ Gomme ke ka baka leo ba aparago dibithadinko. Ge go tšutla ga lešabašaba go kgatlampana, ba se beile godimo ga sefahlego sa gago. Ke otletše nako tše ntši, gomme mohemo wa ka o kolobile, o tla no—no dira go kgamathela ga lešabašaba la go kgwahla go dikologa sefahlego sa gago ka mokgwa woo, o otlela. Lerole lela, dikgomo, le a tseba, le dilo, pele ga gago. Gomme go tšutla ga lešabašaba go e budula ka mokgwa wola.

¹⁴² O rile o naganne e be e no ba bofelo bja tsela bakeng sa gagwe. O be a thekesela, yenamong, pere ya gagwe. A ka kgona . . . O ka kgona go dira ntle le meetse botelele go feta ka mo pere e kgonago. Kafao, o rile o be a thekesela. O humane mohlala wo wa tshepe, gomme o rile o ikwetše gabotse kudu. O thomile go theoga mohlala wa tshepe. Gomme o ile a ya godimo ga gagwe gomme a thoma go katiša, gomme a re o katišitše go theoga mohlala seripana se sennyane. O rile, oo, go be go lebega o ka re go be go le makgolo a tshepe a eya go theoga mohlala woo. Gomme a gopolā, “Go lokile, mohlala wola wa tshepe o iša meetseng, ka fao ke tla hwetša meetse.” Gomme o rile o thomile ka go katiša pere ya gagwe.

¹⁴³ Gomme o rile o tlile lefelong le lennyane moo ye meraro goba ye mene e fapogetšeego lehlakoreng le tee, gomme o rile pere e nyakile go tšeа mohlala woo. O rile, “Oo, aowa, Bess. O ka se kgone go tšeа mohlala woo.” A mo swara gannyane, gomme a mo goga go dikologa ka tsela *ye*. O rile, “Sepela mohlaleng *wo*. O swailwe bokaonana. Mo ke moo tshepe yohle e ilego go nwa.” Gomme o rile pere e retologile go dikologa, e nno tšwelapele e lla, e lla. Gomme o rile o be a thanthetšwe kudu, o be a na le dikgohlo, gomme o ile a no sega pere go fihla a no ema fale, a etšwa madi. Gomme o rile o be a sa kgone go ya. O nyakile go tšeа mohlala wo monnyane wo.

¹⁴⁴ Le a bona, yeo ke tsela ka batho ba bantši. Ba rata go tšeа mohlala wa thelebišene, dinaledi tša mobi, go tšeа mohlala wa botsebalegi, go ba motho tsoko yo mogolo. Le a bona? Ga ba šetše mohlala wo monnyane wola.

Go na le tselalephefo ye e išago Legodimong,
Go fifetše kua, mohlala, kafao ba re;
Eupša ye e phatlaletšeego e iša tshenyegong
E beilwe le go swa tsela yohle.

Ba re go tla ba le kgoboko ye kgolo,
Ge makhapoye go swana le ge maporekana a
tla ema;

Ba tla swaiwa ke banamedi ba Kahlolo,
 Bao ba beilwego le go tseba leswao le lengwe le
 le lengwe.

Le kwele pina.

Kafao ke a thanka ke tla be ke le lebotlana la
 go timela,
 Feela monna yo a ahloletšwego go hwa,
 O tla kgaolwa sehlopheng le maodi,
 Ge Molaodi wa bona banamedi a feta.

¹⁴⁵ O rile o naganne ka seo. O rile, “Ke kwele seo . . .” O mo lebeletše, gomme o naganne, “Gabotse, Bess, o—o nthwaletše bokgole bjohle bjo. Ke naganne ke be ke eya go hwa, gomme o nthwaletše bokgole bjo. Gomme ka mehla ke be ke ekwa gore dipere di na le sekwitlhahlo go tseba fao meetse a lego gona. Kafao ge ke go tshepile bokgole bjo, ke tla go tshepa go theoga mohlala wa go fifala.”

¹⁴⁶ Yeo ke tsela ye ke ikwelago ka Ebangedi. E sego go E bapetša go pere ye e tla go rwalago, eupša ke tshepile Morena tlase go kgabola a, bophelo boka bjo. Ge mohlala o fifala, tlase bofelong bja tsela, ke nyaka go Mo tshepa go ya pele. Le a bona? Bodumedi bjo bja nako ya kgale bo mphološitše morago mošola, mengwaga ye masometharo ya go feta, bo nthwaletše bokgole bjohle bjo. Ge ke sepela go kgabola moedi wa moriti wa lehu, ke nyaka boitemogelo bjo bja go swana bja go kwewa ka pelo. Ke tla Bo tshepa nako yeo.

¹⁴⁷ O rile o tabogetše go yena, a thomiša fase. Ga se a ya seripa, go fihla a tabogetše botelele hlogo ka mogobeng wo mogolo wa meetse. O rile o be a le ka meetseng ale, feela go phantshanya, le go goelela bogodimo bja segalontšu sa gagwe, a tumiša Modimo. O hlatswitše mašoba a nko ya gagwe, le go fošetša meetse godimo ga gagwe, le go goelela le go tšwelapele.

¹⁴⁸ O rile o nno tšwela ka ntle ga meetse, gomme o rile o kwele yo mongwe a sega. O lebeletše lešing, e be e le sehlopha sa baisa se eme fale ka karikana ya kgale ya go apešwa. Bohle ba be ba tagilwe. Ba be ba le godimo fale go phathi ye kgolo ya mohuta tsoko, phathi ya go tsoma, goba se sengwe. Gomme o rile bohle ba be ba le botagweng bjo bogolo. Gomme ba bonagetše ba mo tseba. Gomme o rile . . . O rile, “Etšwa!”

O rile, “Ke a le leboga, baisa.”

¹⁴⁹ Gomme o rile, “Ke a thanka le swerwe ke tlala.” O ba boditše, o be a lahlegile lebaka la matšatši a mmalwa.

O rile, “Ee.”

¹⁵⁰ O rile, “Gabotse, re ne nama tsoko ya phoofolo fa.” Kafao ba . . . O ja nama ya phoofolo. O rile, “Go lokile,” o rile, “gomme wena o Jack, goba Tim Coy, mo—mo mohlalahli wa Moindia?”

“Ya.”

¹⁵¹ O rile, “Gabotse,” o rile, “ka gore o jele nama ye botse ya phoofolo, bjale,” o rile, “seno se sebotse go tšwa go jeke ye se tla no go thuša feela gabotse.” O rile o mo file jeke.

¹⁵² O rile, “Aowa, bašemane. Ke a le leboga. Ga ke nwe.” O rile, o beile leoto la gagwe morago godimo, o hweditše ditšupetšo tša gagwe, gomme a bea leoto la gagwe ka go khuduego, gomme a ya morago godimo ga pere.

¹⁵³ O rile moisa yo monnyane o ile a thekesela, a ka ba go tagwa seripa, o tšere ye nngwe ya diraborolo tšela, Winchesters, gomme a lahlela legapi godimo ka go yona. O rile, “Lebelela, Tim! Ge nama ya rena ya phoofolo e be e le bose go lekanelo go go fepa, o se ke wa leka go nagana gore o lokile kudu go fihla o sa kgone go nwa wisiki ya rena!” O tseba ka fao matagwa a lego.

¹⁵⁴ O rile, “Lebelelang, baisa,” o rile, “ga ke nagane ke lokile kudu go nwa go yona, eupša,” o rile, “ke no se nwe.” O rile, “Ke nna Mokriste.”

¹⁵⁵ O rile, “Aa! Etšwa go selo seo.” O rile, “O tla tšea seno se sa wisiki goba ke tla go thunya.” A leka go mo forela ka go yona.

¹⁵⁶ O rile—o rile, “Ema feela motsotso. Pele o bea kolo yela ka go nna, a nke ke go fe kanegelo ya ka.” O rile, “Ke tsweťwe ka nageng ya Kentucky.” O rile, “Tate wa ka o hwile, letagwa, a rwele dieta tša gagwe.” O rile, “Re be re dula ka ntlong ye nnyane ya kgale ya dikota. Gomme mosong wo mongwe ge letšatši le thoma go hlaba, mothalo go putla lebato la ye nnyane, ya kgale ntlo ya dikota, ebile e be e se ne le—le lebato la kota ka go yona.” O rile, “Mme yo bohlokwa o robetše a ehwa godimo ga malao a legapi.” O rile, “Yola e be e le mme wa ka.” O rile, “Ke be ke no ba bogolo bja mengwaga ye seswai.” Gomme o rile, “O mpileditše godimo lehlakoreng la malao, gomme a bea letsogo la gagwe go ntikologa, a nkatla. O rile, “Tim, ke a go tlogela. Tatago o hwile, a tagilwe, a kempola, o thuntšwe go iša lehung.” O rile, ‘Ntshephiše, Tim, pele ke ehwa, gore o ka se tsoge wa tšea seno sa gago sa mathomo, goba go tsekella le dikarata.’” O rile, “Ge ke atlide mme wa ka go mo laela, ke mo tshepišitše seo.” O rile, “Ga se ka ke ka tsoge ka nwa go tloga letšatšing leo, le gatee, ka bophelong bja ka.” O rile, “Bjale ge o nyaka go thunya, o no thunya.”

¹⁵⁷ Gomme e ka ba ka nako yeo sethunya se galagetše. Jeke ya wisiki e phatlogile ka seatleng sa monna. Moisa yo monnyane wa kgale wa go lebega go golofala o sepeletše ntle ga leope. O be a nyakwa. O be a le wa sehlopha sa dinokwane. O rile, “Motsotso feela, Tim.” O rile, “Ke tšwa nageng ya Kentucky, le nna.” O rile, “Ke tshepišitše mme wa ka nka se tsoge ka nwa.” O rile, “Ke be ke eme fa ke letile go fihla ba bile gabotse le go tagwa ka kgonthe, morago ke be ke eya go ba gagara, yo mongwe le yo mongwe ka hlogong, le go tšea tšelete ye ba bilego le yona godimo ga bona.” Batsomi! O rile, “Seo ke se ke bego ke se emetše mo. Eupša ge ke

kwele bopaki bja gago, Sengwe se boletše le pelo ya ka.” O rile, “Ke maswabi ke robile tshepišo ya ka go mama.” O rile, “Eupša ge sethunya sa ka se dirile mmalewaneng go kgabola maope a magolo bogolo a Legodimo, o nkwele ke saena tshepišokeno, ‘Nka se tsoge ka e nwa gape, go tloga nako ye go ya pele.’” O rile, “Ye ke nako ya ka go tlogela.” Ka mehla ke be ke gopola ka seo.

Go na le Mothopo o tladiršwe ka Madi, (ga go kgathale ge o ka kitima go theoga mohlala wo wa kgale wa go fifala),

A ntšhitšwe go tšwa ditšhikeng tša Imanuele
Moo badiradibe ba phonkgelago ka tlase ga lefula,
Ba lahlegelwa ke dipatso tša bona tša molato tšohle.

Ke ka mokgwa wo o e dirago.

Phonkgela ka tlase ga lefula,
Ba lahlegelwa ke patso yohle ya molato wa bona.

¹⁵⁸ Pina ye nngwe še yeo ke e ratago gabotse ka kgonthe. Ke ne kgonthe bohole le a e tseba.

Tumelo ya ka e lebelela go Wena,
Wena Kwana ya Khalibari,
Mophološi Mokgethwā;
Bjale nkwe ge ke rapela,
Tloša molato wa ka wohle,
Gomme ntumelele go tloga letšatši le
Go ba wa Gago ka moka.

¹⁵⁹ Le a e tseba? Le a e rata? A re e opeleng, gona. A re emeng ge re e opela.

Tumelo ya ka e lebelela go Wena,
Wena Kwana ya Khalibari,
Mophološi Mokgethwā;
Bjale nkwe ge ke rapela,
Tloša molato wa ka wohle,
Oo a nke nna go tloga letšatši le
Ke be wa Gago ka moka!

Ge ke gata tsela leswiswi ya bophelo,
Gomme manyami go ntokologa a alega,
Wena eba Mohlahli wa ka;
Laela leswiswi go retologa . . .

Ngwanešu Graham.



LE TŠWETŠE NTLE GO BONA ENG? NST59-1001
(What Went Ye Out To See?)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Oktobere 1, 1959, ka Glad Tidings Tabernacle ka Utica, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org